





КАРЕН БАЛЬЯН

СТАДИОН «РАЗДАН»



Шедевр архитектуры модернизма

ԿԱՐԵՆ ԲԱԼՅԱՆ



Մոդեռնիզմի ճարտարապետության գլուխգործոցը



ԵՐԵՎԱՆ
2025

ՀՏԴ 725.826(479.25)
ԳՄԴ 85.11
Բ 208

Բալյան Կարեն
Բ 208 «Հրազդան» ստադիոն: Մոդեռնիզմի ճարտարապետության գլուխգործոցը /
Կ. Բալյան.- եր.: Newmag, 2025.- 152 էջ:

Կարեն Բալյանի գիրքը նվիրված է 1960-70-ականների հայկական ճարտարապետության գլուխգործոցին: «Հրազդան» ստադիոնի նախագծման և կառուցման պատմությունը ներկայացված է ազգային գիտակցության բարձրացման դարաշրջանի՝ «Ճնհալի» համատեքստում:

«Հրազդան» ստադիոնը կառուցվել է 1970-ին, Հրազդան գետի գեղադիր լանջին, որից էլ ստացել է իր անունը: 70 հազար հանդիսատեսի համար նախատեսված ստադիոնը բացվել է 1971-ի մայիսի 19-ին:

«Հրազդանը» այսօր դեռ կանգուն է և պահպանում է իր վեհությունն ու մոգական ծգողականությունը, սակայն չի շահագործվում ըստ նշանակության: Նախատեսվում է քանդել այն: Խորհրդահայ մոդեռնիզմի բազմաթիվ գլուխգործոցներ են քանդվել կամ այդ ճանապարհին են: Երևանցիների հպարտության խորհրդանիշ «Հրազդանը» գուցե անէանա հենց մեր սերնդի աչքի առաջ: Ու մայրաքաղաքը կկորցնի ևս մեկ լեգենդ: Գուցե հնարավոր չլինի կանխել դա: Այդ դեպքում մնում է մյուս կործանված հրաշքների պես այն պահպանել թղթի վրա, փրկել գոնե ստադիոնի ստեղծման պատմությունը, անմահացնել հեղինակների երևակայության թռիչքը, արխիվացնել մարզական կոթողի վեհ ու հաղթական տեսքը:

ՀՏԴ 725.826(479.25)
ԳՄԴ 85.11

Գիրքը հրատարակվել է Գուրգեն Մուշեղյանի ընտանիքի
ֆինանսական աջակցությամբ:
Գրքի հայերեն հրատարակումը նվիրված է նրա 90-ամյակին:

ISBN 978-9939-967-63-9

Կարեն Բալյան, «Հրազդան» ստադիոն © 2025 «Նյու Մեգ» ՍՊԸ

Այս գրքի հայերեն թարգմանության և հրատարակության իրավունքները պատկանում են «Նյու Մեգ» ՍՊԸ-ին: Իրավունքը ձեռք է բերվել հեղինակի հետ կնքած պայմանագրով:



- 11 Մոդեռնիզմի մասին
- 16 Իմ ժամանակի ֆուտբոլը
- 21 Երևանի երկու մեծ ստադիոնները
- 30 «Հրազդան» նոր ստադիոնի վայրը
- 35 «Հրազդանի» պատմությունը
- 40 Մոդեռնիզմը «Հայպետնախագծում»
- 48 «Հայպետնախագծի» կառուցվածքը
- 53 1968 թվականի Երևան
- 60 Գյումրի
- 65 Կորյուն Հակոբյան. ոճավորումից դեպի մոդեռնիզմ
- 79 Մոդեռնիստների սերունդը. Գուրգեն Մուշեղյան
- 87 Սպորտ
- 89 Գլխավոր ճարտարապետը
- 99 Կոնստրուկտոր Էդվարդ Թոսունյան
- 103 Հայկական մոդեռնիզմի երկու առանձնահատկությունները
- 110 «Հրազդան» ստադիոնի շինարարությունը
- 122 «Հրազդան» ստադիոնի ճարտարապետությունը
- 144 Լուսանկարների ցանկ

Նինային՝ մեր ամուսնության 50-ամյակի առթիվ

«Հրազդան» ստադիոն: Եվրոպան այդպիսին չունի. կան ավելի վատերը, կան ավելի լավերը, բայց երկրորդ նմանը չկա: Օրիգինալ, շատ գեղեցիկ ստադիոն է: Եվ առաջին հերթին դա վերաբերում է ճարտարապետությանը: Ի՞նչ տաղանդավոր մարդիկ են ստեղծել այն: Մեզ համար լավագույններից լավագույնը: Հնարավոր է մտնել այդպիսի խաղադաշտ և չվառվել հաղթելու կրքոտ ցանկությամբ:

ԷԴՈՒԱՐԴ ՄԱՐԿԱՐՈՎ
1970-ականների «Արարատի»
կենտրոնական հարձակվող

#

էլ ավելի մեծ գիտակցումն էր: Հիասթափություն, անխուսափելիության զգացողություն: Խորհրդային ներկայի տաղտուկ, միօրինակություն, վիատություն:

Դրանք նաև թիկունքիդ շնչող, նեոկլասիկ ձևեր ունեցող ստալինյան ոգով կառույցներն էին: Բայց երկու ժամանակն էլ, կրկնենք, համակված են նույն՝ մոդեռնիստական ճարտարապետությամբ:

Հետխորհրդային ժամանակահատվածում «խորհրդայինի»՝ նրա գաղափարախոսության, պետականության և մոդեռնիզմի ձևերի՝ «ձնհալի» ու «լճացման», ժխտումը վերակերպվեց պոստմոդեռնիզմի ձևերի՝ իրենց արժեքային չափանիշներով, որոնց թվում չկար ոչ «ձնհալի» մոդեռնիզմի խիստ մինիմալիզմը, ոչ էլ «լճացման» մոդեռնիզմի բրուտալությունը: Պոստմոդեռնիզմը շատ բան սկսեց ավելի վատ անել, և նրա ֆոնին երկու մոդեռնիզմից շատ բաներ սկսեցին ավելի պարզ, ավելի լավ, միաժամանակ ավելի ամբողջական ընկալվել:

Մոդեռնիզմի ավելի «մաքուր» և զուսպ միջավայրն ու ձևերն անցած ժամանակի հեռավորությունից հանրությունը սկսեց ավելի լավ և ավելի բարձր գիտակցել ու գնահատել: Լավագույնը մոդեռնիզմում սկսեց որակվել «ճարտարապետության հուշարձան», որոշ առավել նշանավոր կառույցներին տրվեց «գլուխգործոց» անվանումը, ինչը յուրօրինակ «որակի նշան» էր:

Խորհրդային մոդեռնիզմի հսկայական տարածքում բազմաթիվ հետաքրքիր լուծումներով առանձնանում էր Հայաստանի ճարտարապետությունը, որի բազմաթիվ կառույցների թվում կային նաև իրական գլուխգործոցներ՝ Հայոց ցեղասպանության զոհերի հուշահամալիրը, «Մոսկվա» (ամառային դահլիճը) և «Ռոսիա» («Այրարատ») կինոթատրոնները, «Զվարթնոց» օդանավակայանը, Կամերային երաժշտության տունը, Մարգահամերգային համալիրը, Ռաֆայել Իսրայելյանի և Զիմ Թորոսյանի գործերը:

Խորհրդային մոդեռնիզմի գլուխգործոցների թվում է Երևանի «Հրազդան» ստադիոնը:

Մոդեռնիզմի ժառանգությունը հսկայական է և ոչ հավասարաբարձեր: Մեծ մասը համեմատաբար կարճ գոյատևման համար նախատեսված զանգվածային բնույթի կառույցներ են: Հեռանկարում մոդեռնիզմի ֆիզիկապես մաշված կառույցների մեծ մասին սպասվում է, այսպես կոչված, ռենովացիա, որը կարող է նոր կյանք հաղորդել շատ շինությունների: Սակայն ռենովացիան կարող է նաև արմատական ձևեր ընդունել՝ վերածվելով մոդեռնիզմի ոչնչացման ալիքի: Դրա պատճառ կարող է դառնալ մոդեռնիզմի ճարտարապետության, որպես խորհրդային դարաշրջանի վերապրուկի, հանդեպ վերաբերմունքը:



Երևանի «Հրազդան»
ստադիոնը:
Ճարտարապետներ՝
Կ. Հակոբյան, Գ. Մուշեղյան,
Կոնստրուկտոր՝
Է. Թոսունյան: 1970

Պոստմոդեռնիզմի ժամանակների պարադոքս դարձավ մոդեռնիզմի որոշ գլուխգործոցների արժեքի ճանաչման հետ մեկտեղ դրանց ժխտումը: Սկսվեց մոդեռնիզմի բազմաթիվ գլուխգործոցների ավերումը՝ լուսանցքում թողնելով բնակելի ֆոնդի, ենթակառուցվածքի, արդյունաբերական շինությունների հիմնական ծավալի ռենովացիան: Վերոհիշյալ գլուխգործոցներից շատերը դադարեցին գործել, հայտնվեցին կիսավեր վիճակում՝ դատապարտվելով քանդման (Երևանի մոդեռնիստական ամենամեծ համալիրներից մեկը՝ Երիտասարդական պալատը, հիմնահատակ ավերված է):

«Հրազդան» ստադիոնը, որը ստեղծվել է որպես իր ժամանակի հսկայական հանրային ամֆիթատրոն, այդ ժամանակից դուրս զրկվեց այդ ֆունկցիայից: Ֆուտբոլի 70,000 ինքնամոռաց երկրպագուները, որոնք լցնում էին մարզադաշտը՝ ցանցի մեջ թռչող գնդակը տեսնելու միահամուռ պողթևումով, նոր պայմաններում, գոյատևման դատապարտված լինելով, դադարեցին հավաքվել մարզադաշտի տրիբունաներում: Նրանց մի մասը սկսեց հավաքվել տրիբունաների ստորին հարթակներում, որպեսզի ապրանքներ փոխանակի. մարզադաշտը սկսեց գործել որպես տոնավաճառ:

Պարզվեց, որ մոդեռնիզմի շինությունների դժվար լուծելի խնդիրը դրանց վերականգնումն է: Մաքուր բետոնե մակերեսներն առանց մշտական ուշադրության ու խնամքի, լքված վիճակում արագ խարխլվում են, կորցնում արտաքին գրավչությունը:

Պատկերացում է առաջանում նախկին տեսքը վերականգնելու անհնարինության, դրա համար անհրաժեշտ հսկայական գումարների մասին: Յուրատեսակ բիզնես-պլան է ձևավորվում, ըստ որի, մոդեռնիզմի ճարտարապետությունը, փաստորեն, դատապարտված է ոչնչացման: Թերևս դա հավասարապես վերաբերում է ինչպես տնտեսապես բարեկեցիկ, այնպես էլ ոչ այնքան բարեկեցիկ երկրներին: 1988-ին Հոլանդիայում մոդեռնիզմի ժառանգության՝ 20-րդ դարի հուշարձանների, պահպանման նպատակով ստեղծվեց ոչ կառավարական DO CO MO MO կազմակերպությունը:

Այսօր «Հրազդան» ստադիոնը դեռ կանգուն է և պահպանում է իր վեհությունն ու արտահայտչականությունը: Սակայն մարզադաշտը գործնականում չի օգտագործվում, և այն քանդելու ծրագրեր կան:

Հնարավոր է, որ «Հրազդանը» քանդեն, ինչպես քանդել են և պատրաստվում են քանդել մոդեռնիզմի գլուխգործոցներից շատերը: Այդ դեպքում Երևանը կզրկվի իր լավագույն կառույցներից ևս մեկից:

Հնարավոր է, չի հաջողվի դիմակայել դրան: Եվ այն, ինչը դեռ կարելի է անել, «Հրազդանը», ինչպես մյուս գլուխգործոցները, նրա պատմությունը, նրա նախկին վեհասքանչ և հրաշալի տեսքը թղթի վրա պահպանելն է:



